

Eksportimi

Neni 428

Në përputhje me Pjesen IV, kreu 2, seksioni 4 të Kodit, ky kre përcakton dispozitat për zbatimin e regjimit të eksportit.

Neni 429

1. Eksportuesi, në kuptimin e nenit 181(4) të Kodit, quhet personi në emrin ose për llogari të të cilit bëhet deklarata e eksportit dhe i cili është pronar i mallrave ose ka të drejta të ngjashme për t'i tjetërsuar ato në castin kur pranohet deklarata.

2. Kur pronësia ose një e drejte e ngjashme tjetërsimi për mallrave i përket një personi të vendosur jashtë Republikës së Shqipërisë si rrjedhojë e një kontratë në të cilën bazohet eksporti, eksportuesi konsiderohet të jete pala kontraktuese e vendosur në Republikën e Shqipërisë.

Neni 430

Kur për arsye administrative fjalja e parë e nenit 181(4) të Kodit nuk mund të zbatohet, deklarata mund të depozitohet në cilëndo zyrë doganore kompetente për operacionet në fjalë.

Neni 431

Kur ka arsye, të justifikuar në mënyrën e duhur dhe të pranuar nga autoritetet doganore, një deklaratë eksportit mund të pranohet në një zyrë doganore të ndryshme nga ajo të cilës i referohet fjalja e parë e nenit 181(4) të Kodit.

Neni 432

Arsye të justifikuar në mënyrën e duhur do të thotë p.sh. që zyra doganore përgjegjëse për mbikyrjen e vendit ku është vendosur eksportuesi nuk ndodhet në drejtimin e lëvizjes së mallrave dhe ndodhet më larg se 30 km nga ambientet e eksportuesit. Eksportuesi në këto raste mund të depozitojë një deklaratë eksporti në zyrën e parë doganore që ndodhet në rrugën për kufi.

Neni 433

1. Deklarata e eksportit bëhet në bazë të **Dokumentit Administrativ të Vetëm** duke përdorur kopjet 1, 2 dhe 3 të formularit. Zyra doganore ku është depozituar deklarata e eksportit (zyra doganore e eksportit) duhet të vulosë kutinë A dhe të plotësojë kutinë D. Pas cllirimit të mallrave, kjo zyrë mban kopjen 1, dërgon kopjen 2 pranë zyrës së statistikës dhe i kthen kopjen 3 personit të interesuar.

2. Përpara cllirimit të mallrave, si rregull i përgjithshëm, identifikimi i mallrave sigurohet nëpërmjet vulosjes.

3. Duhet të vulosen:

- a) hapësira e mjetit të transportit ku mbahen mallrat, kur mjete të transportit është miratuar nëpërmjet rregullash të tjera ose njohur nga zyra doganore e eksportit si mjete të përshatueshme për tu plumbosur;
- b) secila koli, në gjithë rastet e tjera.

4. Mjetet e transportit mund të konsiderohen të përshtatshme për vulosje me kusht që:

- a) vulat të vendosen lehtësisht dhe efektivisht mbi to;
- b) janë ndërtuar në mënyrë të tillë që asnjë mall nuk mund të hiqet ose vendoset pa lënë shenja të dukshme të dëmtimit ose pa thyer vetë vulën;
- c) nuk kanë vende të fshehura kur mund të fshihen mallrat; dhe
- d) hapësira e rezervuar për ngarkesën mund të kontrollohet lehtësisht nga autoritetet doganore.

5. Zyra doganore e eksportit mund të vendose të mos përdorë vulosjen nëse, duke patur mundësi të tjera identifikimi, përshkrimi i mallrave në deklaratën e eksportit i bën mallrat lehtësisht të identifikueshme.

Neni 434

1. Kopja 3 e **Dokumentit Administrativ të Vetëm** dhe mallrat e clliruara për eksport duhet të paraqiten në zyrën doganore të daljes.

2. “Zyrë doganore e daljes” do të thotë:

- a) në rastin e mallrave të eksportuara në rrugë hekurudhore, postare, ajrore ose detare, zyra doganore kompetente për vendin ku mallrat merren përsipër sipas një kontrate të vetme transporti për transportim në një vend tjetër përkatësisht nga shoqëritë hekurudhore, nga autoritetet postare, nga shoqëritë ajrore ose nga shoqëritë e speditonit;
- b) në rastin e mallrave të eksportuara nëpërmjet tubacioneve dhe në rastin e energjisë elektrike, zyra e caktuar nga Drejtoria e Përgjithshme e Doganave;
- c) në rastin e mallrave të eksportuara nga mjete të tjera ose në rrethana të pambuluara nga paragrafi (a) dhe (b), zyra doganore e fundit përpara se mallrat të dalin nga territori doganor i Republikës së Shqipërisë.

3. Zyra doganore e daljes duhet të bindet që mallrat që u paraqitën atyre përputhen me ato të deklaruara dhe mbikqyrin daljen e mallrave nga territori doganor i Republikës së Shqipërisë. Tregues normal që mallrat e paraqitura përputhen me mallrat e deklaruara është fakti që plumbçat e vendosur nuk janë prekur dhe nuk ka asnjë shenjë dëmtimi. Zyra në fjalë, vërteton daljen në fakt të mallrave nëpërmjet konfirmimit në faqën e pasme të Kopjes nr. 3 dhe ia jep këtë kopje personit i cili e paraqiti. Konfirmimi bëhet me anë të një vule që tregon emrin e zyrës dhe datën. Kopja 3 e deklaratës së eksportit, konfirmuar në përputhje me këtë paragraf, me kërkesen e autoriteteve të tjera publike, mund të përdoret për të provuar që mallrat të cilave ajo iu përket janë eksportuar nga territori doganor i Republikës së Shqipërisë. Megjithatë, kur zbatohet paragrafi 8, rikthimi i kopjes nr.3 personit që e paraqiti nuk kryhet përpara se të mbyllet regjimi i tranzitit.

4. Kur zyra doganore e daljes vërteton se kanë humbur mallrat, pa rënë ndesh me fillimin e çështjes penale, kjo zyrë mban shënim në kopjen e deklaratës së paraqitur dhe njofton zyrën doganore të eksportit.

5. Kur zyra doganore e daljes vërteton se mallrat janë me teprice, pa rënë ndesh me fillimin e çështjes penale, refuzon daljen e këtyre mallrave derisa të plotësohen formalitetet doganore.

6. Kur zyra doganore e daljes vërteton mospërputhje në natyrën e mallrave, pa rënë ndesh me fillimin e çështjes penale, refuzon daljen e mallrave derisa formalitetet e eksportit të jenë plotësuar dhe gjithashtu merr masa të informoje zyrën doganore të eksportit.

7. Në rastet të cilave u referohet paragrafi 2 (a), zyra doganore e eksportit konfirmon kopjen 3 të deklaratës në përputhje me paragrafin 3. Regjimi i tranzitit duhet të përdoret nese mallrat janë shkarkuar ose transborduar në një tjetër port, aeroport ose stacion hekurudhor shqiptar.

8. Kur mallrat e eksportit dërgohen në një zyrë doganore daljeje nën një regjim tranziti, zyra e nisjes vendos vulen "Eksport" me bojë të kuqe, në të gjithë kopjet e deklaratës së tranzitit. Zyra doganore e daljes kontrollon daljen në fakt të mallrave.

9. Zyra doganore e daljes mund t'i kërkojë eksportuesit të paraqesë prova që mallrat kanë dalë nga territori doganor i Republikës së Shqipërisë.

Neni 435

1. Mallrat që nuk i nënshtrohen masave të ndalimit ose kufizimit dhe me vlere me jo më të madhe se 100 000 Lekë, për çdo dergese dhe për çdo deklarues, mund të deklarohen në zyrën doganore të daljes. Kjo dispozitë nuk zbatohet kur personi që bën deklaratën e eksportit vepron si agjent profesionist doganor në emer të të tjerëve.

2. Deklaratat gojore mund të bëhen vetëm në zyrën doganore të daljes.

Neni 436

Pa rënë ndesh me regjimet e eksportit të përdorura për produket dhe produkte të tjera deti, kur mallrat largohen nga territori doganor i Republikës së Shqipërisë pa depozituar një deklaratë eksporti si rrjedhim i gabimeve, mungesave ose rrethanave të tjera të vecanta e të pavullnetshme, kjo deklaratë mund të depozitohet *a posteriori* nga eksportuesi në zyrën doganore kompetente për vendin ku ai është i vendosur. Pranimi i kësaj deklarate kryhet pasi eksportuesi paraqet në zyrën doganore të interesuar prova të mjaftueshme lidhur me natyrën dhe sasinë e mallrave në fjale dhe rrethanat në të cilat ato u larguan nga territori doganor i Republikës së Shqipërisë. Kjo zyre, duhet gjithashtu të konfirmojë kopjen 3 të Dokumentit Administrativ të Vetëm. Pranimi *a posteriori* i deklaratës nuk përjashton zbatimin e sanksioneve në fuqi.

Neni 437

Kur mallrat e cilruara për eksport nuk largohen nga territori doganor i Republikës së Shqipërisë, eksportuesi mënjëhere duhet të informojë zyrën doganore të eksportit. Kopja 3 e deklaratës në fjalë i kthehet kësaj zyre.

KREU 2

Eksporti i produkteve të peshkimit dhe produkteve të tjera të marra nga deti prej anijeve shqiptare të peshkimit pa u paraqitur në republikën e shqipërisë

Neni 438

Në rast se produktet e peshkimit dhe produkte të tjera të marra nga deti eksportohen në Republikën e Shqipërisë pa u paraqitur aty, përdoret procedura e mëposhtme:

- Me kthimin në Republikën e Shqipërisë, drejtuesi i mjetit lundruar duhet të depozitojë një deklaratë eksporti. Kjo deklaratë depozitohet në zyrën doganore kompetente për vendin ku ai është vendosur. Pranimi i kësaj deklarate bëhet pasi drejtuesi i mjetit i paraqet autoriteteve të zyrës doganore të interesuar prova të mjaftueshme lidhur me natyrën dhe sasinë e mallrave në fjalë;
- këto prova konsistojnë prej një kopjeje të autorizuar të deklaratës doganore të depozituar në vendin e destinacionit;
- zyra doganore kompetente konfirmon kopjen 3 të Dokumentit Administrativ të Vetëm në përputhje me nenin 433 (3).

KREU 3

Eksportimi i përkohshëm duke përdorur Carnet ATA

Neni 439

1. Një *Carnet* ATA mund të perdoret për eksport kur plotësohen kushtet e mëposhtme:
 - a) *Carneti* ATA duhet të lëshohet në Republikën e Shqipërisë dhe konfirmuar dhe garantuar nga një shoqatë e vendosur në Republikën e Shqipërisë e cila bën pjesë në një zinxhir ndërkombëtar garancie;
 - b) *Carneti* ATA zbatohet vetëm për mallra shqiptare lidhur me të cilat nuk është bërë kërkesë për rimbursim;
 - c) duhet të paraqiten dokumentat e referuara në nenin 221. Autoritetet doganore mund të kërkojnë paraqitjen e dokumentit të transportit;
 - d) synohet që mallrat të riimportohen.
2. Kur mallrat e mbuluara nga një *Carnet* ATA paraqiten me qëllim eksportimin e përkohshëm, zyra doganore e eksportit do të kryejë të gjitha formalitetet e mëposhtme:
 - a) verifikon të dhënat e përshkruara në kutitë A deri në G të fletës të eksportit që ka lidhje me mallrat e mbuluara nga *Carneti*;
 - b) plotëson, kur është rasti, kutinë në kopertinën e *Carnetit* të titulluar “*Vërtetuar nga autoritetet doganore*”;
 - c) plotëson kundëriletën dhe kutinë H të fletës të eksportimit;
 - d) shënon emrin e vet në kutinë H (b) të fletës së riimportimit;
 - e) mban formularin e eksportimit.
3. Nëse zyra doganore e eksportit nuk është zyra e daljes, zyra doganore e eksportit kryen formalitetet e referuara në paragrafin 2, por nuk plotëson kutinë 7 të kunder fletës së eksportimit, e cila duhet të plotësohet nga zyra doganore e daljes.
4. Afati kohor për riimportimin e mallrave, i caktuar nga autoritetet doganore në kutinë H (b) të fletës së eksportimit nuk duhet të kalojë vlefshmerinë e *Carnetit*.

Neni 440

Kur për mallrat që largohen nga territori doganor i Republikës së Shqipërisë sipas *Carnetit* ATA nuk synohet më riimportimi, në zyrën doganore të eksportit paraqitet një deklaratë eksporti me gjithë hollësitat të cilave u referohet Aneksi 37. Me paraqitjen e *Carnetit* në fjalë, kjo zyrë konfirmon kopjen 3 të deklaratës së eksportit dhe zhvlerëson fletën e riimportimit dhe kundëriletën.

Neni 441

Drejtoria e Përgjithshme e Doganave mund të percaktojë udhëzime për zbatimin praktik të regjimit të eksportit.

